

*Segun Comunicado di Gobierno di Aruba*

# Reconocimiento pa Xander Bogaerts den Weekly Planner y Premio Excelencia den Deporte.

**ORANJESTAD-** Hopi prome cu Xander Bogaerts a hunga su prome wega oficial den Mayor League Baseball y bira un miembro di Futuro All Star Game di Mayor League Baseball, Mike Eman a reconoce e hoben cu talento aki. Tanto durante e Premio Excelencia den Deporte como den e weekly planner cu Gobierno di Aruba hunto cu organisacion I Love Aruba a crea na luna di juni caba. Den e weekly planner ta apa-

rece un potret y descripcion cortico di Xander Bogaerts. Na luna di mei 2013, Gobierno di Aruba y Ministerio di Deporte durante e evento di gala deportivo Premio Excelencia den Deporte a duna reconocimiento special na e pelotero Arubano Xander Bogaerts. Reconociendo asina su excelente aña deportivo 2012 unda el a logra e Futuro All Star Game di Mayor League Baseball. Tambe Xander a

subi e lista di pelotero prospecto Top 100 di Mayor League Baseball y a bira prospecto number uno di e organisacion di baseball Boston Red Sox, un logro inmensamente grandi pa un pelotero Arubano.

Diabierna siman pasa mama di Xander Bogaerts, sra. Sandra Brown a bin tuma e weekly planner den number di su yiu na Santa Theresita Center. Prome Minister Eman tabata presente aki y a yama



sra. Brown dilanti pa ricibi e weekly planner den number di su yiu Xander.

Eman ta bisa cu nos mes- ter reconoce nos talentonan hubenil y pa esaki nos ta duna un luga special den e weekly planner Hoben y Talento . E ta completamente dedica na nos hobennan. Dirigiendo su mes na mama di Xander sra. Bown.

Prome Minister Eman a bise cu dia e weekly planner a wordo entrega na e hoben- nan su yiu no por tabata pre- sente pasobra cu e tabata haci cosnan grandi den exterior hibando number di Aruba di- lanti. Awe nos kier a haci uzo

di e momento special aki pa expresa na bo persona como mama, y tambe pa bo trans- miti na Xander cu nos ta hopi orguyoso di tur locual e ta ha- ciendo.

Mescos tambe nos ta orguyo- so di su mama cu a lanta, in- spira y guia Xander pa awe e ta e personahe ehemplar aki na Aruba. Sra. Brown, mama di Xander Bogaerts a ricibi e weekly planner den cual Prome Minister Eman a pone un anotacion special pa Xan- der . Den e weekly planner Xander a expresa cu pa medio di Cristo e por logra tur cos. Un bunita mensahe pa otro hobennan. □

